

**PELAWAAN KEMUDAHAN PENAJAAN UNTUK
PEGAWAI PENDIDIKAN PENGAJIAN TINGGI (PPPT) BAGI
HADIAH LATIHAN PERSEKUTUAN (HLP) SECARA SEPENUH MASA
BAGI SEMESTER 1 2024/2025**

Kementerian Pendidikan Tinggi menawarkan penajaan Hadiah Latihan Persekutuan (HLP) dengan kemudahan Cuti Belajar Bergaji Penuh (CBBP) bagi mengikuti pengajian kursus-kursus jangka panjang secara **SEPENUH MASA** di peringkat **Sarjana dan Ph.D di Institusi Pengajian Tinggi Awam di Dalam Negara dan Universiti Luar Negara** bermula Sesi Pengajian **Semester 1 2024/2025**.

Tawaran ini dibuka khusus untuk Pegawai Kumpulan Pengurusan dan Profesional didalam skim perkhidmatan Pegawai Pendidikan Pengajian Tinggi (PPPT) Skim DH di Politeknik, Kolej Komuniti dan Kementerian Pendidikan Tinggi (KPT) sahaja.

Bidang-bidang yang ditawarkan adalah berdasarkan unjuran keperluan yang dikeluarkan oleh Bahagian Kompetensi dan Peningkatan Kerjaya, Jabatan Pendidikan Politeknik dan Kolej Komuniti seperti berikut:

- a. [Peringkat Sarjana Dalam Negara \(Lampiran 1\)](#)
- b. [Peringkat Ph.D Dalam Negara \(Lampiran 2\)](#)
- c. [Peringkat Sarjana Luar Negara \(Lampiran 3\)](#)
- d. [Peringkat Ph.D Luar Negara \(Lampiran 4\)](#)

Calon-calon yang berminat hendaklah memohon secara atas talian sepenuhnya di pautan berikut : <https://basiswa.mohe.gov.my/hlp/index.php> atau melalui portal rasmi Kementerian Pengajian Tinggi (rujuk **Pautan Pantas > Permohonan / Semakan Dibuka**). Permohonan akan dibuka mulai **24 Oktober 2023 jam 5.00 petang hingga 3 Disember 2023 jam 5.00 petang**. Permohonan yang tidak menepati syarat yang ditetapkan, mengandungi maklumat yang tidak benar, tidak lengkap, dokumen sokongan yang tidak disahkan atau borang permohonan yang lewat diterima tidak akan dipertimbangkan. Hanya calon yang layak dan melepasi tapisan sahaja akan dipanggil untuk urusan temu duga.

SYARAT-SYARAT & KELAYAKAN

A. SYARAT UMUM

Pegawai-pegawai yang diperakukan untuk mengikuti kursus ijazah lanjutan hendaklah mempunyai pengetahuan, kemahiran, pengalaman, minat dan perwatakan/sikap yang sesuai bagi menentukan kejayaan dalam pengajian dan seterusnya berupaya memberi sumbangan ke arah meningkatkan keberkesanan perkhidmatan dan organisasi. Mereka juga hendaklah mempunyai kelayakan ijazah pertama yang diiktiraf atau kelayakan yang setaraf dengannya.

SYARAT KHUSUS

- i. Pada **Tahun 2024**, pegawai mestilah berumur tidak lebih daripada **45 tahun** bagi pengajian **peringkat kedoktoran (Ph.D)** dan **50 tahun** bagi pengajian **peringkat Sarjana**;
- ii. Telah disahkan dalam perkhidmatan terkini pada tarikh tutup permohonan;
- iii. Telah berkhidmat sekurang-kurangnya selama tiga (3) tahun dalam skim perkhidmatan Pegawai Pendidikan Pengajian Tinggi (PPPT) (**gred 41 dan ke atas**) pada tarikh tutup permohonan;
- iv. Mencapai purata **markah Laporan Nilai Prestasi Tahunan (LNPT) purata 85% ke atas** bagi tempoh **tiga (3) tahun skim perkhidmatan terkini secara berturut-turut (2020, 2021 & 2022)**. **Penilaian setahun LNPT hendaklah genap 12 bulan**;
- v. Kursus yang diikuti adalah berkaitan dengan tugas pegawai/bidang pengajian Sarjana Muda yang telah diikuti dan diperlukan demi kepentingan perkhidmatan;
- vi. Memiliki Ijazah Sarjana Muda bagi pengajian peringkat Sarjana dan Ijazah Sarjana yang baik bagi pengajian peringkat Ph.D (pencapaian CGPA minimum 2.50);
- vii. Belum memiliki kelayakan Ijazah Lanjutan di peringkat yang sama tanpa mengira bidang pengkhususan.
- viii. Mematuhi syarat genap tempoh tamat mengikuti kursus jangka panjang/pendek sebelumnya seperti yang dinyatakan dalam Pekeliling Perkhidmatan Bilangan 6 Tahun 2005 (jika berkenaan).
- ix. Masih belum mendapat tempat di mana-mana institusi pengajian tinggi sama ada di luar atau dalam negara;

atau

telah mendapat tempat pengajian tetapi belum memulakan pengajian di mana-mana institusi pengajian tinggi sama ada di luar atau dalam negara (sesi pengajian perlu bermula pada Sesi Pengajian Semester 1 2024/2025);

*Tawaran HLP akan terbatal sekiranya pegawai tidak menghadiri Kursus Persediaan HLP KPT yang dianjurkan Kementerian sebelum memulakan pengajian.

- x. Pegawai hanya dibenarkan memohon pengajian di peringkat Ijazah Sarjana yang menawarkan pengajian tanpa perlu mengikuti kursus pra syarat;

- xi. Mematuhi syarat yang ditetapkan dalam Garis Panduan Kemudahan Cuti Belajar kepada Penjawat Awam seperti berikut:
- Pegawai yang telah mengikuti cuti belajar melebihi 12 bulan di dalam atau luar negara, boleh dipertimbangkan untuk mengikuti kursus jangka sederhana atau kursus jangka panjang yang berikutnya sama ada di dalam atau luar negara selepas genap **dua (2) tahun** tamat mengikuti kursus yang terdahulu dengan jayanya;
 - Pegawai yang telah mengikuti cuti belajar kurang 12 bulan tetapi melebihi 3 bulan di dalam atau luar negara, boleh dipertimbangkan untuk mengikuti kursus jangka sederhana atau kursus jangka panjang yang berikutnya sama ada di dalam atau luar negara selepas genap **satu (1) tahun** tamat mengikuti kursus yang terdahulu dengan jayanya.
- xii. Telah mengisytiharkan harta (termasuk pengisytiharan harta tambahan) dalam tempoh 5 tahun kebelakangan;
- xiii. Tidak tersenarai dalam senarai hitam pinjaman PTPTN atau Tabung Pinjaman Pelajaran (TPP);
- xiv. Pegawai bebas daripada sebarang penyakit kronik ([Lampiran 5](#)).
- *Ahli keluarga pemohon yang dibawa bersama (pengajian luar negara) perlu bebas daripada penyakit kronik. Sekiranya laporan perubatan mengesahkan pegawai atau ahli keluarga yang dibawa bersama (pengajian luar negara) menghidap penyakit kronik seperti di Lampiran 6, penawaran HLP pegawai akan dibatalkan.
- xv. Bersih daripada pertuduhan/tindakan tatatertib dan bebas daripada dakwaan Mahkamah;
- xvi. Menyediakan kertas cadangan pengajian (*proposal*) dan hendaklah dimuat naik serta diserahkan kepada urus setia semasa calon menghadiri temu duga. **Kulit depan** kertas cadangan hendaklah mematuhi format seperti yang telah disediakan; dan
- xvii. Syarat Tambahan bagi Permohonan Pengajian di Luar Negara (boleh diduduki selepas calon berjaya ditawarkan Hadiah Latihan Persekutuan oleh Kementerian ini).
- a) Mempunyai kemahiran Bahasa Inggeris sama ada TOEFL 600 (paper-based) atau 240 (computer-based) atau 92 (internet-based) atau lulus IELTS dengan keputusan keseluruhan band 6.5. Tempoh sah laku adalah 2 tahun dari tarikh sijil dikeluarkan bagi pengajian ke Luar Negara; dan
 - b) Lulus tapisan keselamatan bagi penawaran ke Luar Negara.
- xviii. Tempat pengajian bagi dalam negara adalah seperti di [Lampiran 6](#) dan bagi penawaran ke luar negara, tuan/puan dikehendaki mendapat tempat pengajian di institusi yang mengenakan yuran percuma/yuran minimum, penajaan lebih fokus berasaskan kepakaran universiti pengajian dan

pemilihan tempat pengajian mendapat penarafan daripada *QS World University Rankings, Times Higher Education World University Rankings* atau *Academic Ranking of World Universities / Shanghai Rankings*.

*Tuan/puan dikehendaki mengemukakan surat tawaran penuh daripada institusi pengajian bersama-sama Borang Permohonan Cuti Belajar [KPT (HLP) 1A/06] kepada Kementerian ini setelah ditawarkan surat tawaran bersyarat daripada Kementerian ini.

TANGGUNGJAWAB KETUA JABATAN

- i. Ketua Jabatan adalah dinasihatkan supaya membuat semakan yang teliti dan memberi sepenuh perhatian kepada syarat-syarat yang ditetapkan. Sehubungan itu, adalah menjadi tanggungjawab Ketua Jabatan untuk memperakukan pegawai-pegawai yang sesuai serta memenuhi syarat-syarat yang ditetapkan.
- ii. Sebelum mengemukakan pencalonan, Ketua Jabatan adalah diminta untuk membuat perancangan yang teliti dan hanya memperakukan calon yang boleh dilepaskan oleh Ketua Jabatan pada tahun 2024 kelak. Sekiranya kesemua calon yang diperakukan oleh Jabatan berjaya ditawarkan HLP ini, Ketua Jabatan berkenaan adalah dikehendaki memberi pelepasan kepada mereka untuk menjalani pengajian.

PEMILIHAN

- i. Hanya permohonan yang lengkap dan memenuhi syarat-syarat ditetapkan sahaja akan dipanggil untuk sesi temu duga.
- ii. Pemilihan muktamad akan diputuskan oleh Mesyuarat Jawatankuasa Kerja Penajaan, Kementerian Pengajian Tinggi

PERMOHONAN

Calon-calon yang berminat hendaklah memohon secara atas talian sepenuhnya di talian sepenuhnya di pautan berikut : <https://biasiswa.mohe.gov.my/hlp/index.php> atau melalui portal rasmi Kementerian Pengajian Tinggi (rujuk **Pautan Pantas > Permohonan / Semakan Dibuka**). Kesemua dokumen sokongan serta borang perakuan Ketua Jabatan hendaklah dimuatnaik kembali dan permohonan adalah dianggap lengkap dan telah dihantar apabila pemohon menekan butang 'Sah & Hantar' pada paparan yang disediakan. Permohonan akan mula dibuka pada **24 Oktober 2023 jam 5.00 petang hingga 3 Disember 2023 jam 5.00 petang**. Permohonan yang diterima selepas jam 5.00 petang tidak akan diproses. Sebarang rayuan tidak akan dipertimbangkan.

Senarai salinan dokumen sokongan yang diperlukan ialah seperti berikut :

BIL	DOKUMEN	FORMAT	SAIZ MAKSIMA
1.	Gambar berukuran pasport	JPEG	280kb
2.	Rancangan Penyelidikan (proposal) yang disahkan *Ketua Jabatan / Penyelia (Lampiran A)	PDF	1.0mb
3.	Transkrip Ijazah Pertama / Sarjana ATAU kedua-duanya (disahkan)	PDF	300kb
4.	Lampiran Senarai Tugas Terkini (disahkan) (Lampiran B)	PDF	320kb
5.	Borang Perakuan Ketua Jabatan	PDF	400kb
6.	Pelan Pengajian	PDF	1.0mb

Sila rujuk pada pautan [Borang](#) sebagai panduan :

- [Panduan mengimbas dokumen sokongan](#)
- [Panduan menukar format dokumen ke format PDF](#)

PERTANYAAN

Untuk sebarang pertanyaan, sila hubungi :

Seksyen Latihan Dalam Perkhidmatan
Bahagian Biasiswa
Kementerian Pendidikan Tinggi
Aras 2, No. 2, Menara 2,
Jalan P5/6, Presint 5,
Pusat Pentadbiran Kerajaan Persekutuan
62200 PUTRAJAYA

(u.p. : Puan Nur Farhana binti Baharuddin / Puan Mazalina binti Ali / Cik Nor Azlinda binti Azahar / Puan Siti Shamimi binti Sadri)

No. Telefon : 03-8888 1616 / 03-8870 5011 / 03-8870 6338 / 03-8870 4950 /
03-8870 6361

Faks : 03-8870 6839

E-mel : hlp@mohe.gov.my

Untuk masalah **teknikal permohonan**, sila hubungi :

No. Telefon : 03-8870 6319 / 03-8870 6317